

VENDIM
Nr. 24, datë 16.2.2016

**PËR MIRATIMIN E KËRKESËS SË SHOQËRIVE “EURON ENERGY” SHPK,
“ENERGAL” SHPK DHE “ALB-ENERGY” SHPK PËR NJË NDRYSHIM NË
VENDIMIN NR. 133, DATË 31.10.2015, TË BORDIT TË ERE-s**

Në mbështetje të nenit 16, të ligjit nr. 43/2015, “Për sektorin e energjisë elektrike”, të nenit 26 “Rregullat e praktikës dhe procedurave të ERE-s”, të miratuar me vendimin e Bordit të Komisionerëve të ERE-s nr. 21, datë 18.3.2009, i ndryshuar, Bordi i ERE-s, në mbledhjen e tij të datës 16.2.2016, pasi shqyrtoi kërkesën e shoqërive “Euron Energy” sh.p.k., “Energal” sh.p.k. dhe “ALB-Energy” sh.p.k. për transferimin e pagesës së rregullimit të shoqërisë “Euron Energy Group” sh.p.k. te këto shoqëri, si dhe relacionin e Drejtorisë së Tarifave dhe Çmimeve dhe Drejtorisë Juridike dhe të Mbrojtjes së Konsumatorit,

konstatoi se:

- ERE, me vendimin nr. 133, datë 31.10.2015, ka miratuar pagesat e rregullimit për vitin 2015, për të licencuarit në sektorin e energjisë elektrike. Në tabelën e zërave (bashkëlidhur vendimit) rezultojnë detyrimet për pagesat e rregullimit për subjektet “Alb-Energy” sh.p.k., “Euron Energy” sh.p.k. dhe “Energal” sh.p.k. dhe “Euron Energy Group” sh.p.k.

- Shoqëritë “Alb-Energy” sh.p.k., “Euron Energy” sh.p.k. dhe “Energal” sh.p.k., me shkresën me nr. 01 prot., datë 4.1.2016, kanë parashtruar kërkesën që detyrimi për pagesën e rregullimit për vitin 2015 për shoqërinë “Euron Energy Group” sh.p.k., të shpërndahet, sipas një përqindje të caktuar, te shoqëritë “Alb-Energy” sh.p.k., “Euron Energy” sh.p.k. dhe “Energal” sh.p.k.

- “Euron Energy Group” sh.p.k. ka pushuar aktivitetin e saj dhe tashmë ka mbyllur edhe procedurat e likuidimit e çregjistrimit në Qendrën Kombëtare të Regjistrimit, si dhe pranë organeve tatimore.

Për gjithë sa më sipër, Bordi i ERE-s

VENDOSI:

1. Të miratojë kërkesën e shoqërive “Euron Energy” sh.p.k., “Energal” sh.p.k. dhe “ALB-Energy” sh.p.k.

2. Në tabelën bashkëlidhur vendimit nr. 133, datë 31.10.2015, të Bordit të ERE-s, bëhet ndryshimi si më poshtë:

a) Hiqet nga tabela subjekti “Euron Energy Group” sh.p.k.

b) Vlerës së pagesës së rregullimit për subjektet si më poshtë, i shtohet vlera në përqindje e detyrimit të “Euron Energy Group” sh.p.k., siç ishte në vendimin nr. 133, datë 31.10.2015, të Bordit të ERE-s.

- “Euron Energy” sh.p.k. 36.58%;

- “Energal” sh.p.k. 16.26%;

- “Alb-Energy” sh.p.k. 47.16%.

3. Drejtoria e Çmimeve dhe e Tarifave të njoftojnë aplikuesin për vendimin e Bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

KRYETARI
Petrit Ahmeti